

ZAPISNIK

Sa XXIII proširene sjednice Upravnog odbora Udruženja poslodavaca u Federaciji BiH koja se održala 17.12.2014. godine (srijedu), sa početkom u 10:30 sati u Hotelu Bosnia (Kulovića 9.) u Sarajevu.

Sjednici su prisustvovali članovi U.O.: Safudin Čengić, Midhat Terzić, Šaban Rizvić, Hamed Šivšić, Milenko Čolak, Suhad Ećo, Ibrahim Meškić (zamjena Rasim Salčinović), Predrag Čović i Ante Suton, Adnan Hodžić (zamjena Rusmir Hrvić).

Sjednici nisu prisustvovali članovi U.O.: Stipe Prlić, Haris Muslić, Josip Milas, Vejsil Huremović, koji su opravdali svoje odsustvo.

Članovi ESV-a za teritorij FBiH: Tomislav Slišković, Edin Ibrahimpašić i Mirsa Tuće.

Predstavnici poslodavaca: Igor Baroš, Enver Malagić, Tina Šećerbegović, Sanja Pilav, Miralem Šabović, Nijaz Skenderagić, Alija Remzo Bakšić, Zoran Gazibarić, Brano Vujičić, Hazim Zečević, Nedžad Siočić, Fadila Poplata, Mijo Mišić, Senid Gerin, Miralem Šabović, Ramiz Mušić, Mujo Selimović, Sarajevska pivara, Lejla Pašalić.

Ispred UP FBiH: Mladen Pandurević, Mersiha Jusić, Vesna Smajlović i Ilda Jugo.

Predsjednik U.O. je predložio sljedeći

DNEVNI RED

1. Usvajanje zapisnika sa XXII proširene sjednice U.O.;
2. Raspravljanje o aktuelnoj problematici vezano za trgovački lanac „TUŠ“ u cilju zaštite domaćih kompanija i naplate potraživanja dobavljača - **izvjestilac Ante Suton;**
3. Donošenje Odluke o razrješenju člana UO Smaila Ramovića i imenovanju novog člana UO;
4. Razmatranje uvođenja naknade za vođenje računa od strane banaka, za depozite po viđenju- **izvjestilac Senid Gerin i Mijo Mišić;**
5. Razmatranje inicijative članice LAGER d.o.o. Posušje, za donošenje Odluke o povoljnijem tarifnom postupku za određenu robu-mašine u rudarstvu,koje zbog konačne namjene mogu uživati određene pogodnosti - **izvjestilac Milenko Čolak;**
6. Donošenje Odluke o pokretanju inicijative za davanje autentičnog tumačenja Zakona o vijeću zaposlenika- **izvjestilac Ramiz Mušić, Konzum d.o.o.;**
7. Informacija o registraciji Grupacije Udruženja poslodavaca ZE-DO Kantona i osnivanju novog općinskog udruženja u Zenici - **izvjestilac Rasim Salčinović;**
8. Informacije o:

- a) pregovorima Unije udruženja poslodavaca RS i UPFBiH - **izvjestilac Safudin Čengić;**
 - b) pozivu na saradnju Udruženja nezaposlenih „OTIUM“
 - c) implementaciji Projekata: „ Kolektivni ugovori i Zakon o radu“ - **izvjestilac Mladen Pandurević;**
 - d) učešću UPFBiH na “Sajmu obrazovanja i zapošljavanja-naučite, povežite se istražite”- **izvjestilac Mladen Pandurević;**
 - e) Prijedlog Memoranduma o razumjevanju sa CCI- **izvjestilac Mladen Pandurević;**
9. Tekuća pitanja

Predsjednik je predložio da se pod tekućim pitanjima raspravlja:

- a) Nelojalna konkurencija
- b) Beneficirani radni staž
- c) Formiranje Komisije za izradu izmjena i dopuna Statuta UPFBiH

Dnevni red u potpunosti usvojen uz prijedlog Predsjednika.

RASPRAVLJANJE PO TAČKAMA DNEVNOG REDA

Tačka 1. Usvajanje zapisnika sa XXII proširene sjednice Upravnog odbora UPFBiH

Po ovoj tački dnevnog reda nije bilo rasprave.

ZAKLJUČAK: Zapisnik je jednoglasno usvojen.

Tačka 2. Raspravljanje o aktuelnoj problematici vezano za trgovački lanac „TUŠ“ u cilju zaštite domaćih kompanija i naplate potraživanja dobavljača;

Vezano za ovu tačku dnevnog reda gđin. Ante Suton pokretač inicijative je ukratko izvjestio prisutne o ovoj tački dnevnog reda ističući da bi se i Udruženje poslodavaca u FBiH trebalo oglasiti vezano za ovu problematiku, budući da je Vanjsko trgovinska komora BiH radila i prikupljala podatke koliko firmi je oštećeno aktivnostima „Tuša“. Procjena je da se radi o velikim iznosima u pitanju su cifre i od oko 130. 000 KM. Također je naveo kako lista oštećenih dobavljača još nije zaključena jer se svakim danom prijavljuju nove oštećene kompanije koje su poslovale sa kompanijom Tuš. Radi se o firmama koje vrlo značajno doprinose i zapošljavaju jako puno ljudi. Dimenzija štete je ogromna i zato se očekuje i da se UPFBiH uključi u ovu problematiku.

Shodno tome gđin. Suton je predložio da se i UPFBiH oglasi i osudi taj čin „Tuša“, te da podršku aktivnostima VTK u cilju pronalaska rješenja.

U diskusiji su učestvovali Mirsa Tuce, Edin Ibrahimpašić, Mladen Panurević koji su podržali ovu inicijativu.

Predsjednik Čengić je zahvalio Anti Sutonu za iniciranje inicijative i predložio da se pozovu svi predstavnici privredne zajednice UUPRS, privredne komore i VTK i da se sa aktuelnim ministrima organizuje sastanak na temu kako pomoći oštećenim firmama da naplate svoja potraživanja. Također obzirom da smo svjedoci da „TUŠ“ nije prva kompanija već da su postojali i slični slučajevi kao što je „SCT“ , „Koteks“, „Primorka“ i drugi, te na koji način zaštititi poslodavce da se ovakav čin ne bi desio ponovno Predsjednik je predložio je da UPFBiH traži rješenje odnosno izmjenu zakonske regulative u smislu sprječavanja i zaštite poslodavca ovakvih ili sličnih oštećenja.

ZAKLJUČAK: Zbog opravdanog postojanja osnovane sumnje za pokušaj privrednog kriminala i prevare u privrednom poslovanju u vezi slučaja „Tuš“ Upravni odbor Udruženja poslodavaca u FBiH je stao u zaštitu BH privrednika. U tom smislu UO UPFBiH podržava sve aktivnosti koje je do sada poduzela i pokrenula Vanjsko trgovinska komora BiH, te nudi svoju pomoć za sve daljnje radnje. Zadužuje se stručna služba UPFBiH da u roku od 30 dana organizuje sastanak između predstavnika organizacija poslovne zajednice (UUPRS, PK FBiH, PK RS, VTK BIH) sa resornim ministrima u cilju pronalaženja zaštite za kompanije koje su oštećene od strane „Tuša“. Također na sastanku će se pokušati pronaći zakonska rješenja u cilju buduće zaštite BH privrednika od svih stranih kompanija koje imaju bilo kakve nepoštene i nečasne namjere na taj način da takve kompanije moraju snositi sve zakonske posljedice za tako eventualno poduzete aktivnosti.

Sa ciljem upoznavanja javnosti da UPFBiH ulaže napore, kako bi se problemi BH privrednika u vezi za slučajem „Tuš“ adekvatno i blagovremeno riješili, UPFBiH će se javno oglasiti i uputiti obavještenje svim medijima u BiH.

Tačka 3. Donošenje Odluke o razrješenju člana UO Smaila Ramovića i imenovanju novog člana UO;

Mladen Pandurević je ukratko upozano prisutne sa ovom tačkom dnevnog reda. Naime, obzirom da je dosadašnji član UO Smail Ramović penzionisan, UO u skladu sa Statutom treba izvršiti zamjenu. Budući da je dosadašnji član U.O bio predstavnik Udruženje privrednika „Biznis centar“ Jelah/ Tešanj, sasvim je logično da do isteka njegovog mandata član UO bude predstavnik Udruženja privrednika „Biznis centar“ Jelah/ Tešanj, čime se obezbjeđuje kontinuitet rada. Shodno tome Upravni odbor Udruženja/Udruge privrednika „Biznis centar“ Jelah-Tešanj je predložio za novog člana UO ispred Udruženja privrednika Tešanj Muharem Sejdić.

Obzirom da nije bilo novih prijedloga donesen je sljedeći:

ZAKLJUČAK: Imenuje se Muharem Sejdić, direktor i vlasnik firme „KOTEKS“ d.o.o. Tešanj,

član U.O. Udruženja privrednika „Biznis centar“ Jelah/ Tešanj za novog člana UO UPFBiH. Mandat člana Upravnog odbora traje do isteka mandata Upravnog odbora u trenutnom sazivu, s tim da ova Odluka mora biti potvrđena na prvoj narednoj sjednici Skupštine Udruženja poslodavaca u FBiH.

Tačka 4. Razmatranje uvođenja naknade za vođenje računa od strane banaka, za depozite po viđenju

Vežano za ovu tačku dnevnog reda Senid Gerin je izvjestio prisutne da je velikom broju kompanija iz SBK Unicredit banka poslala obavijest o uvođenju kamata na sredstva po vidjenju od 01.01.2015. godine (mišljenja je da je ova obavijest upućena i svim kompanijama na nivou FBiH). Kao argument, u svojoj obavijesti Banka je navela, da je do uvođenja kamatnih stopa došlo zbog kontinuiranih promjena na međunarodnom tržištu koje imaju direktnog utjecaja i na poslovanje poslovnih subjekata u Bosni i Hercegovini.

Udruženju poslodavaca FBiH se obratila Grupacija poslodavaca SBK sa zahtjevom da se Agenciji za bankarstvo i Centralnoj Banci uputi inicijativa za sprječavanje uvođenja novih visina kamatnih stopa za depozite po viđenju od strane banaka.

Gdin Mijo Mišić je pozdravio skup i podržao prijedlog te istakao da zaista treba razgovarati o visini svih bankarskih naknada kao i o elektronskom poslovanju koje bi svakako ukoliko se počene primjenjivati dovelo do velikog smanjenja naknada.

Mladen Pandurević je u svojoj diskusiji istakao da poslodavci plaćaju veoma velike bankarske naknade, te da bankarske naknade u anketi o parafisikalnim nametima zauzimaju 7 mjesto. U diskusiji su također učestvovali Brano Vujičić i Miralem Šabović.

ZAKLJUČCI: Zadužuje se stručna služba UPFBiH da poduzme sve aktivnosti i zatraži od Udruženja Banaka BiH da u prvoj polovini januara 2015. godine organizuje tematsku sjednicu između predstavnika UBBiH i UPFBiH. Na pomenutoj sjednici će se razgovarati o opterećenju poslodavaca od strane bankarskog sektora, visinama svih naknada od strane banaka kao i svim drugim otvorenim pitanjima. Također, cilj sastanka je da se pokuša naći zajedničko rješenje kako te troškove smanjiti u obostranu korist.

Tačka 5. Razmatranje inicijative članice LAGER d.o.o. Posušje, za donošenje Odluke o povoljnijem tarifnom postupku za određenu robu-mašine u rudarstvu, koje zbog konačne namjene mogu uživati određene pogodnosti

Vežano za ovu tačku dnevnog reda Milenko Čolak je obavijestio Upravni odbor da je naša članica LAGER d.o.o. Posušje, Ministarstvu vanjske trgovine i ekonomskih odnosa BiH uputila inicijativu za donošenje Odluke o povoljnijem tarifnom postupku za određenu robu-mašine u rudarstvu, koje zbog konačne namjene mogu uživati određene pogodnosti. Smanjenje carinskih stopa bi dovelo do stvaranja povoljnijih uslova za rast domaće industrijske

proizvodnje koja bi bila konkurentna na domaćem i sjevtskom tržištu. Obzirom da se radi o pitanju koje je od izuzetnog značaja za sve poslodavce iz ove oblasti, a sve u interesu rasta industrijske proizvodnje u Bosni i Hercegovine, Čolak je predložio je da UO podrži ovu inicijativu i u ime UPFBiH uputi dopis MVTEO BiH.

Svi prisutni su učestvovali u diskusiji i podržali inicijativu članice Lager d.o.o. Posušje.

Nakon diskusije donešen je sljedeći:

ZAKLJUČAK: UO je podržao inicijativu Lager d.o.o. Posušje. Zadužuje se stručna služba da u roku od 7 dana pripremi inicijativu i uputi Ministarstvu vanjske trgovine i ekonomskih odnosa BiH, s tim da se ova inicijativa odnosi generalno na sve članice koje su iz ove djelatnosti.

Tačka 6. Donošenje Odluke o pokretanju inicijative za davanje autentičnog tumačenja Zakona o vijeću zaposlenika

Ramiz Mušić, predstavnik Konzum d.o.o. je ukratko upoznao prisutne vezano za ovu inicijativu. Naime, kompanija KONZUM se kao i ostali poslodavci na teritoriju FBiH susreću sa problemima u pogledu primjene Zakona o radu i Zakona o vijeću zaposlenika u radnim sudskim postupcima, i to u dijelu koji se odnosi na otkaz ugovora o radu, odnosno u vezi nedorečenosti i kontradiktornosti navedenih propisa te nastaloj potrebi da se isti izmijene i preciziraju kako ne bi dolazilo do različitih tumačenja i primjene istih na štetu poslodavaca. U praksi su neizbježene situacije da je poslodavac prinuđen nekom zaposleniku da izrekne mjeru otkaza ugovora o radu zbog teže povrede radne dužnosti jer je povreda takve prirode da ne bi bilo osnovano od poslodavaca da se nastavi radni odnos. Sudovi u FBiH su u slučaju sporova povodom odluka o otkazu ugovora o radu zbog teže povrede radne dužnosti zauzeli stav da je prije donošenja odluke o otkazu ugovora o radu zbog teže povrede radne dužnosti zaposleniku poslodavac dužan u svakom pojedinačnom slučaju konsultirati vijeće vijeće zaposlenika u skladu sa odredbom člana 23. Stav 1. Alineja 3. Zakona o vijeću zaposlenika, te sudovi redovno poništavaju odluke o otkazu i zaposlenike vraćaju na posao ako se utvrdi da poslodavac nije konsultirao vijeće zaposlenika o namjeravanoj odluci, dakle isključivo iz formalnih razloga i bez upuštanja u postojanje opravdanosti odluke o otkazu. Također sudovi zanemaruju odredbu navedenog Zakona da se prije donošenja odluke značajne za prava i interese zaposlenika poslodavac obavezno konsultira sa vijećem zaposlenika o namjeravanoj odluci a naročito kada se radi o između ostalog, planu zapošljavanja, premještanju i otkazu- ali da istom odredbom nije precizirano o kojoj se vrsti otkaza radi. Također odredbe Zakona o radu i Zakona o vijeću zaposlenika kada su u pitanju rokovi za dostavljanje odluke o otkazu Vijeću zaposlenika su u koliziji i neprovođive u praksi.

Konzum d.o.o. je podnio Parlamentu FBiH inicijativu za autentično tumačenje odredbi Zakona o vijeću zaposlenika, te je u toku postupak pred Parlamentom FBiH po tom pitanju. U međuvremenu je i Federalno ministarstvo rada i socijalne politike Parlamentu dostavilo svoje mišljenje o istoj pitanju, te podržalo inicijativu KONZUM-a za donošenje autentičnog tumačenja Zakona o vijeću zaposlenika od strane Parlamenta FBiH.

Obzirom da je ova inicijativa u interesu svih članica te da svi poslodavci imaju problema kod primjena Zakona o vijeću zaposlenika konkretnije člana 23. Zakona gđin. Mušić je predložio da UO je podrži inicijativu Konzuma d.o.o. te donese Odluku da se nadležnim organima u ime Udruženja poslodavaca FBiH uputi inicijativa za davanje autentičnog tumačenja Zakona o vijeću zaposlenika i eventualne izmjene ovog Zakona.

Svi prisutni su učestvovali u diskusiji i podržali inicijativu Konzum d.o.o. Nakon diskusije donešen je sljedeći:

ZAKLJUČAK: UO podržao prijedlog kompanje Konzuma d.o.o za pokretanje inicijative za davanje autentičnog tumačenja Zakona o vijeću zaposlenika. Zadužuje se Stručna služba UPFBiH da u roku od 7 dana pripremi inicijativu i uputi nadležnim organima.

Tačka 7. Informacija o registraciji Grupacije Udruženja poslodavaca ZE-DO Kantona i osnivanju novog općinskog udruženja u Zenici

Predsjednik Skupštine Udruženja poslodavaca ZE-DO Kantona Ibrahim Meškić je ukratko izjestio prisutne o registraciji Grupacije poslodavaca ZE-DO Kantona koja je do sada djelovala unutar UPFBiH. Također je napomenuo da se osnivaju paralelnih Udruženja poslodavaca u ZE-DO Kantonu a što bi moglo predstavljati problem zastupanja i reprezentativnosti Udruženja na Kantonalnim nivoima.

Nakon izlaganja Meškića otvorena je diskusija po ovom pitanju. U diskusiji su učestvovali Mladen Pandurević, Mirsa Tuce, Samir Hamzić, Džemal Rošić, Miralem Šabović I Brano Vujičić.

Svi su se složili da su potrebna Udruženja na nižim nivoima ali da uključivanjem u jedno Udruženje članica automatski postaje član svih Udruženja na svim nivoima i svoja prava može ostvariti kroz ta udruženja na svim nivoima Vlasti. Predsjednik Uo je istakao da na bazi ove diskusije bi trebalo I definisati nove izmjene I dopune Statuta UPFBiH.

Mladen Pandurević je predložio da se pristupi razgovorima sa svim općinskim Udruženjima u ZE-DO Kantonu u cilju postizanja kompromisa I stvaranja jedinstvenog Udruženja poslodavaca ZE-DO Kantona.

ZAKLJUČAK: Donosi se odluka da se pristupi pregovorima sa svim općinskim Udruženjima poslodavaca u ZE-DO Kantonu u cilju postizanja kompromisa i stvaranja jedinstvenog Udruženja poslodavaca ZE-DO Kantona. Zadužuju se svi članovi UPFBiH da razgovaraju sa privrednicima iz svojih opština i ukažu na probleme koje si mogu pojaviti u slučaju razjedinjavanja i stvaranja više Udruženja poslodavaca u ZE-DO Kantonu.

Tačka 8. Informacije o:

- a) pregovorima Unije udruženja poslodavaca RS i UPFBiH
- b) pozivu na saradnju Udruženja nezaposlenih „OTIUM“

- c) implementaciji Projekata: „Kolektivni ugovori i Zakon o radu“ učešću UPFBiH na „Sajmu obrazovanja i zapošljavanja-naučite, povežite se istražite
- d) Prijedlog Memoranduma o razumjevanju sa CCI

Pod ovom tačkom dnevnog reda Upravni odbor je informisan i o aktivnostima vezano za uključivanje Unije udruženja poslodavaca RS u Asocijaciju poslodavca BiH, pozivu na saradnju Udruženja nezaposlenih OTIUM te prijedlogu Memoranduma o razumjevanju sa CCI. Vezano za tačku 8c. Uo je informisan da će članovi imati priliku da poslije UO kada je zakazana Fokus Grupa za Zakon o radu imati priliku da čuju rezultate analize u prvoj fazi projekta.

Nakon diskusije donesen je sljedeći Zaključak:

- 8a) Prima se na znanje informacija da su UUPRS i UPFBiH postigli sporazum o odredbama Statuta koji bi trebao biti usvojen na Skupštini APBIH nakon čega bi Unija udruženja poslodavaca RS pristupila APBIH. Očekuje se od APBIH da pokrene aktivnosti i organizuje Skupštinu u narednom periodu na kojoj će biti usvojen dogovoreni Statut.
- 8b) UO daje podršku i prihvata partnerstvo sa Udruženjem nezaposlenih OTIUM.
- 8d) UO u načelu podržava saradnju i partnerski odnos između Udruženja poslodavaca u FBiH i CCI. UO predlaže da se prije eventualnog potpisivanja Memoranduma o razumjevanju održi sastanak rukovodstva UPFBiH i CCI.

Tačka 9. Takuća pitanja

- a) Nelojalna konkurencija
- b) Beneficirani radni staž
- c) Formiranje Komisije za izradu izmjena i dopuna Statuta UPFBiH

Pod tekućim pitanjima se raspravljalo:

- a) Nelojalna konkurencija

Vezano za nelojalnu konkurenciju predstavnici UP ZE-DO Kantona su istakli problem Međunarodnog aerodroma u Tuzli. Naime, Tuzlanska vlada uz pomoć Federalne vlade BiH izdvaja subvencije Međunarodnom aerodromu Tuzla koji je sklopio petogodišnji poslovni ugovor o avio-letovima po Evropi sa mađarskom nisko tarifnom avio-kompanijom „WIZZAIR“ koja nudi putnicima avio-karte po damping cijenama na redovnim avio-linijama za Švedsku (Malme i Geteborg) i Švicarsku (Bazel). Uz to na Tuzlanskom aerodromu WIZZAIR je oslobođen i aerodromskih taksi što je jedinstven primjer u svijetu. Ono što je prema poslodavcima ne bi bilo sporno u ovom slučaju je da sklapanjem poslovnog aranžmana sa ovom stranom avio-kompanijom Tuzlanski aerodrom posluje po ekonomskim principima, da ima komercijalne letove i da iskazuje pozitivne finansijske rezultate kojim bi opravdavali društvene subvencije i ostale ustupke koje je država odobrila ovoj zračnoj luci. Udruženje poslodavaca ZE-DO kantona smatra da je neprihvatljiva činjenica da se putem javnih preduzeća (u ovom slučaju Tuzlanskog aerodroma) prelijevaju kantonalna i federalna budžetska sredstva u inostrane privatne aviokompanije (u ovom

slučaju WIZZAIR), te se tako čini neloyalna konkurencija i otežavaju uslovi privređivanja bh. autoprevoznicima koji imaju redovne međunarodne linije na relacijama BiH-Švedska i BiH Švajcarska.

ZAKLJUČAK: Zadužuje se Stručna služba da u roku od 7 dana prema Vladi FBiH i nadležnim federalnim i kantonalnim ministarstvima uputi zahtjev da se očituju vezano za nezakonito subvencioniranje stranog avio prevoznika na uštrb domaćih kompanija koje gube tržište. Ovaj zahtjev treba uputiti i prema drugim aerodromima kao što su Međunarodni aerodrom u Sarajevu i Međunarodni aerodrom u Mostaru.

b) Beneficirani radni staž

Predsjednik Čengić je izvjestio prisutne vezano za ovu tačku dnevnog reda. Naime, na temelju zakona o PIO/MIO i Pravilnika o utvrđivanju radnih mjesta na kojima se staž osiguranja računa sa uvećanim trajanjem („Službene novine Federacije BiH“, broj: 64/12) poslodavci su dužni izvršiti reviziju radnih mjesta na kojima se staž osiguranja računa sa uvećanim trajanjem.

Pravilnik o utvrđivanju radnih mjesta na kojima se staž računa sa uvećanim trajanjem stupio je na snagu 04.08.2012. g. Pravilnikom je propisan postupak za utvrđivanje radnih mjesta na kojima se staž računa sa uvećanim trajanjem, kao i revizija daljnjeg postojanja uvjeta za računanje staža osiguranja sa uvećanim trajanjem.

Članom 17. i 18. Pravilnika, između ostalog, je propisano da radna mjesta na kojima se staž osiguranja računa sa uvećanim trajanjem koja su utvrđena do 31.03.1992. g. podliježu reviziji zaključno sa 31.12.2014. g. te da će se staž osiguranja sa uvećanim trajanjem računati najkasnije do 31.12.2014.g. ukoliko poslodavac do tog datuma ne podnese zahtjev za reviziju radnih mjesta.

Shodno navedenom poslodavcima se nameće dodatna obaveza da moraju platiti oko 4.500,00 KM instituciji koja će vršiti reviziju te da moraju podnositi zahtjeve. S tim u vezi predsjednik Čengić je predložio da se uputi zahtjev Federalnom ministarstvu za rad i socijalnu politiku za stavljanje van snage nevedenog Pravilnika, te da se pristupi izradi novog pravilnika po uzoru na države u okruženju a to je da radna mjesta utvrđuje država. Također pri izradi novog Pravilnika moraju biti konsultirani poslodavci.

Tokom diskusije učesnici su podržali prijedlog Predsjednika, nakon čega je donesen sljedeći:

ZAKLJUČAK: Donosi se Odluka o pokretanju zahtjeva za stavljanje van snage Pravilnika o utvrđivanju radnih mjesta na kojima se staž osiguranja računa sa uvećanim trajanjem („Službene novine Federacije BiH“, broj: 64/12). Zadužuje se stručna služba da u roku od 7 dana pripremi inicijative i uputi nadležnom Ministarstvu za rad i socijalnu politiku. Također u zahtjevu treba istaći da se prilikom izrade novog Pravilnika moraju konsultirati poslodavci odnosno UPFBiH

c) Formiranje Komisije za izradu Izmjena i dopuna Statuta

ZAKLJUČAK: Donosi se Odluka o formiranju Komisije za izradu izmjena i dopuna Statuta UPFBiH. Imenuju se članovi Komisije u sljedećem sastavu: Josip Milas, Ramiz Mušić, Željko Marjanović, Mladen Pandurević i Edhem Pašukan.

Sjednica je završena u 12:30 h.

Zapisnik sačinila

Mersiha Jusić

Predsjednik Upravnog odbora

Safudin Čengiđ